

wutroby hodownej powjesczi wotewricz: Sbožnik je  
šo narodzil! Haj, wotewrcze wrota wscheroke a czińcze  
durje na šwěcze wysoke, so by kral cžescze nuts cžahnył.  
Wystajcze w šbožnej radošczi:

O khwalcze Boha, kšhesczenjo,  
Kiž šwój stol w njeju ma,  
So wotanknje šwoj' kralestwo,  
Nam šwojoh' Šyna da.

Chzemy hody šwjeczič kaž pastyrjo w Bethlehemje, chzemy  
šwoje wutroby hodownej powjesczi wotewricz: tón Sbožnik  
je šo narodzil! A chzemy

## II.

tač žiwi bycž, so móže šo tón Sbožnik tež do nascheje wutroby  
narodzić. — W tej šamej nozy hišcže, w kotrejž je šo Jesuš  
wot knježny Marje narodzil, w kotrejž je Sbožnik na semju  
pšichšoł, kiž je mēr njeměrnym, bojasnym cžlowjekam dobył,  
w tej nozy khwatachu pastyrjo do Bethleheua. A jako  
woni džěcžatko běchu widželi, rožnješechu woni šłowo,  
totrež woni wo tym džěscžu běchu šlyscheli.

Moji lubi! Wjazny hačž 19 lětstotetkow je šo minyło  
wot tamneho dnja, a tola płaczi powjescž tuteho dnja  
pšchezo hišcže. Jako šo něhdy nekajki wušměwž Šilippa  
Melanchthona woprašča: „Čžehodla pšhipowjeda šo kóžde  
hody š nowa: wam je šo tón Sbožnik narodzil, hdyž je  
šo to tola pšched wjele lětstotetkami stało?“ dha wotmolwi  
Melanchthon: „To šo stawa, dokelž hišcže džěnša to džěcžo  
a jeho troscht potrebamy.“

Nicžo njeby nam pomhało, hdyž by šo Jesuš jenož  
něhdy w Bethlehemje narodzil, hdyž pač njeby wón k nam  
pšichšoł je šwojim žohnowanjom. A na tym leži, so něchtóž-  
kuliž 20, 40, 60 lět hody šwjeczi a tola šebi žane wo-  
prawdžite žohnowanje njedobywa, dokelž njewopomni, dokelž  
šabudže, so hody naš jenož njedopomnja na podawš, kotryž  
je šo pšched wjele lětstotetkami stał, ale so ma šo tutón  
podawš kóžde lěto wospjetowacž: Sbožnik dyrbi šo naro-  
džicž do nascheje wutroby.